



UNIVERSITÄTS-  
BIBLIOTHEK  
PADERBORN

**Ivlii Cæsaris|| Scaligeri|| Epistolæ|| &|| Orationes||**

**Scaliger, Julius Caesar**

**Lugduni Batavorum, 1600**

Io. Bellaio Cardinali Titvlo Sanctæ Cæcilie Domino obseruand. LV.

---

[urn:nbn:de:hbz:466:1-70455](https://nbn-resolving.org/urn:nbn:de:hbz:466:1-70455)



silentio damnatas esse? Hic quid agam miser? quæso te, consule rebus meis, neque velis committere, vt diutius pendeam animi. non torquet me mora. neque enim mora est expectantis nihil. sed illud miserrimum arbitror, non licuisse saltem perire semel voce tua, cuius vel spes ipsas omnes perpetuo ac pene fatali silentio omnibus momentis temporis interfecisti.

## IO. BELLAIO CARDINALI

TITVLO SANCTÆ CÆCILIE

*Domino obseruand. LV.*

**V**TRVMQVE tua cum posset magnitudo & impellere ad scribendum, & ab ipsa etiam scribendi cogitatione deterre, quibus animus meus distractus perpetua cunctatione fluctuaret, maior fuit vis verecundiæ: donec Cruceius vir, vt scis, apud nos summæ auctoritatis ostēdit humanitatem tuam & æqualem potentiam, & meam quacunque culpa superiorem. Quapropter antequam hoc ipsum auderem, necessarium fuit, vt, cum tui meminissem, vel te tibi vndeunque parem cognoscerem, vel mei obliuiscerer. Quanquam neque nunc quidem sibi constare sui conscium animum meum,



meum, ex harum literarum trepidatione cognoscere potes: præsertim cum quid potissimum scriberem non haberem. Quid enim ad te de repub. vel civili vel Christiana? quarum commemoratio cum per se incommoda tã alieno tempore, tum etiam periculosa. Nam neque rectores earum ferunt sapientum vel iudicium vel libertatem: neque sine popularium offensione possumus. & maximæ partis ignaviam & potentissimæ temeritatem recensere. Tanto minus auderem obstrepere tibi plebeiis literis, quibus inter nos humiles animæ solemus conferre mutuas voluntates ad officia quotidiana. Reliquum erat, vt aut de studiis meis te facerem certiolem, aut exercerem me in ea laudatione, qua tuam eloquentiam, perspicientiam, sapientiam, magnanimitatem explicare conarer. Quorum alterum vt erat ridiculum, vulgata ac translaticia tibi pro selectis atque incompertis afferre, ita alterum ineptum, sperare amplitudinem tuam angustiis epistolæ arceri posse. Cum me igitur argumenta omnia deficerent, præter hoc ipsum, quo mearum fortunarum, studiorum, animi tenuitatem excusarem, & antehac nihil prorsus ausus sum, & nunc perpauilla hæc hortatu ac potius

M 5 iussu



186 IULII CÆSAR. SCAL.  
iussu Cruceii, quæ nihil aliud quam protre-  
tum illud profiterentur, quo potius temeri-  
tatis culpam deprecarer, quum sperarem  
gratiam non ex tua pietate, qua miserrimum  
quenque tanquam teipsum respicis,  
sed ex mea ipsius commendatione. Vale.

MATTHÆO. BANDELLO.

LVI.

**G**R A V I teste, ac potius auctore gloriæ,  
splendoris atque felicitatis suæ priuata  
est nobilissima patria nostra NS Hierony-  
mo Fracastorio, viro cum in omni discipli-  
narum genere, singulari, tum in poeticis pe-  
ne incomparabili. Quo in marore ac luctu  
cum versata esset diu ciuitas nostra, multis  
titulis, plurimis elogiis & publice & priua-  
tim testata est, quantum in vnius diuini ca-  
pitis iactura decessisset de vniuersæ reipub.  
dignitate. Nam tametsi in studiis atque  
successibus rei militaris ita se comparauit, vt  
nulli esset secunda Italicarum Urbium: eas  
tamen artes semper coluit, quæ & ad bene-  
beateq. viuendum conducerent & quam-  
proxime accederent ipsæ ad beatitudinem.  
Quocirca fuit omnino Fracastorius tanta in  
admiratione ciuium, vt ipsi principes rei  
litera-